

## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

**Gavanti, Bartolommeo**

**Antverpiæ, 1646**

De Communione, Orationibus post Communionem, Ite missa est, vel,  
Benedicamus Domino, de Benedictione, & Euangeliō sancti Ioannis. XIII.

**urn:nbn:de:hbz:466:1-40214**

44 Comment. in Rubr. Missalis. Pars I. Tit. XII.

bat idem lib. 2. de Missâ cap. 20. fuisse finitum totum ante Concilium Magnaticum, in quo Festa Confessorum habentur. Putat Innoç. III. lib. 3. c. 10. finitum ante S. Siluestrum. Tamen ultimus, qui addidit Canoni, fuit S. Gregorius, ut dicimus: à quo, loco citato, dicitur fuisse à Scholastico compotus. quem putant esse Gelasium doctrina clarissimum, Innoç. III. lib. 3. c. 10. & Honor. in Gemma an. lib. 1. cap. 90. De Musæo Massiliensi dubitat Pamelius in Liturgijs, qui Scholastico sermone scripsit librum Sacramentorum circa annum 490. Vel de Victoriano Voconio Mauritanæ Episcopo, qui composuit Sacramentorum volumen, & vixit inter tempora SS. Hieronymi, & Gregorij Papæ. Sed sicuti verè compotus fuit à pluribus, ex Domini verbis; ex Apostolorum traditionibus, & sanctorum Pontificum institutionibus, iuxta Concilium Tridentinum Sessione 22. cap. 4. ita pars eiusdem antiquior est altera, ut patebit ex auctoribus singularium partium, de quibus in II. Parte Rubricarum generalium titulo VIII. & seq. agemus commodiūs.

f Infra actionem.] Hoc est Canonem, ob rationem suprà allatam.

g Communicantes, &c.] Varietas hæc habetur in libro Sacramentorum S. Gregorij. Microl. cap. 12. hæc habet: In summis Festiuitatibus quædam Canon in illo loco, ubi dicitur, Communicantes, vel, Hanc igitur oblatio-

nem, interponimus; quæ tamen ex antiquioribus & emendationibus Sacramentarijs interponenda esse dīdicimus; videlicet in Natiuitate Domini, in Epiphania, in Cœna, in Pascha, in Ascensione, in Pentecoste. quæ sanè cum nostris Missalibus cōcordant. Dantur autem casus, quod separari debeat Communicantes à sua Prefatione; nam infra Octauam Ascensionis, si occurrat Festum sanctorum Philippi & Iacobi, Praefatio erit de Apostolis, Communicantes de Ascensione, licet in Missa nulla fiat commemoratio; idemque accidere potest in Inventione S. Crucis, & in Missis solemnibus Votivis, quæ dicuntur infra eandem Octauam, & habent Praefationem propriam.

Ratio verò est, quia Communicantes habet infra illam Octauam quasi rationem de tempore; sicut haberet etiam Praefatio de Octaua in prædictis Festis, si propriam Praefationem non haberent, ut dicitur in titulo hoc eodem num. 3. & 4. Et licet nulla fiat Commemoratio de Octaua, dicitur tamen Communicantes, sicut in Officio dicitur ad Primam, & in fine Hymnorum in prædictis Festis,

*Qui victor in celum redit.*

Neque enim idè vnitur Communicantes Praefationi, ut simul vel dicantur, vel omittantur; sed ut faciliùs utrumque reperias. Atque ita decreuit tandem sacra Rituum Congregatio die 28. Augusti 1627.

De Communione, Orationibus post Communionem,  
Ite missa est, vel, Benedicamus Domino, de Benedictione, & Euangeli S. Ioannis. XIII.

<sup>1</sup> **E**xpleto Canone, & alijs omnibus usque ad Communionem, ea peracta dicitur <sup>b</sup> Communio, & <sup>c</sup> Orationes post Communionem, eodem

dem modo & ordine ut in principio Missæ: & repetito Dominus vobis-  
cum, dicitur,<sup>1</sup> Ite missa est, vel, Benedicamus Domino, pro temporis ra-  
tione. Ite missa est, dicitur<sup>m</sup> quodcumque dictum est, Gloria in excel-  
sis. Cùm non dicitur, eius loco dicitur, Benedicamus Domino. Responde-  
tur,<sup>n</sup> Deo gratias. In Missis Defunctorum dicitur,<sup>o</sup> Requiescant in  
pace. Respondetur, Amen.

In Communio.] De hac Ordo Roma-  
nus, & Antiphonar. Gregor. & canta-  
batur, dum populus communicaba-  
tur. tradit Rupert. lib. 2. cap. 18. solitam  
dici post cibum salutarem, in gratia-  
rum actionem. Cælestino Demochares  
Tom. 4. cap. 15. Gregorio tribuunt au-  
tori Gemm. lib. 1. cap. 90. & Hugo Vi-  
ctor. de Eccles. Offic. lib. 2. cap. 11. De-  
ductit hunc ritum S. Thom. 3. par.  
quaest. 83. art. 4. ab Hymno dicto à  
Christo & Apostolis post cœnam.  
Nunc cantari debet post Agnus Dei  
immediatè; nisi fiat populi Commu-  
nio, ad quam ea cantatur.

In Orationes post Communionem.]  
Idem docet Microl. cap. 19. quas Ora-  
tiones Collectas etiam vocat Ordo Ro-  
manus. Ad complendum, titulus ea-  
rum est in Sacrament. Gregoriano. Be-  
nedictiones appellat VV alafr. loco ci-  
tato. quæ pro communicatis diceban-  
tur; neque alia tunc in fine benedictio  
dabatur populo, Microl. cap. 21.

<sup>1</sup> Ite missa est, &c.] A Leone insti-  
tutum fuisse scribit Radulph. Prop. vlt.  
quod tamen habetur in Liturgia san-  
cti Petri, & expressius in constit. Apost.  
lib. 8. cap. 23. & quidem in Festis,  
concurrente populo, dimittitur ille so-  
lemniter, nisi tristitia temporis insi-  
nuanda sit, vt in Dominicis Quadra-  
gesimæ, & eiusmodi, in ferialibus au-

tem, vbi deuotiorum est accessus ad  
Missam, ij sunt potius detinendi in  
diuinis benedictionibus, Microl. c. 46.  
sed Clemens vtitur ijs verbis, Ite in  
pace. A Christo deducit hunc ritum  
Vualdensis Tom. 3. tit. 4. cap. 44.  
num. 7. qui in fine cœnae dixit: Sur-  
gite, camus hinc.

<sup>m</sup> Quodcumque dictum est, Glo-  
ria.] Docet Microl. cap. 19. & 46. so-  
lemnis autem est dimissio, ait Rupert.  
lib. 2. cap. 20. & gaudium sonat com-  
mune Hymno Angelico, & Cantico,  
Te Deum; vnde se inuicé consequen-  
tur, sicut cantus Angelorum & iter  
Pastorū ad Christum, Duran. l. 7 c. 1.

<sup>n</sup> Deo gratias.] Hoc loco usurpari  
innuit Dion. cap. 3. Eccl. Hierach. ys  
verbis: In gratiarum actionem sacram  
definit, cum omni Ecclesiæ sacra ple-  
nitudine. August. etiam Epist. 59. ad  
Paulinum: Participato tanto Sacra-  
mento gratiarum actio cuncta con-  
cludit. quod Amalar. lib. 1. cap. 34. de  
hoc ritu declarat.

<sup>o</sup> Requiescant in pace.] Explicat Du-  
ran. lib. 4. cap. 47. vt requies conce-  
datur, quam eis optamus. Sed anteā  
meminit huius ritus Steph. Eduens. de  
Sacr. Alt. cap. 18.

Dicitur autem hoc loco semper in  
plurali numero, licet pro uno dica-  
tur Missa.

<sup>2</sup> Dicto placeat, datur<sup>a</sup> Benedictio, quæ à Celebrante semper datur in  
Missa, præterquam in Missis Defunctorum. Deinde legitur<sup>b</sup> Euange-  
lium

46 Comment. in Rubr. Missalis. Pars I. Tit. XIII.

lum S. Ioannis, In principio, premisso Dominus vobiscum, & Initium, ut moris est: quod Euangelium numquam prætermittitur in Missa, nisi quando sit de Festo in aliqua Dominica, vel Feria quæ habet Euangelium proprium: quod legitur eius loco. Excipitur Dominica quarta Aduentus, cuius Euangelium non legitur in fine Missæ, quādo in ea occurrit Vigilia Natiuitatis Domini, quia nec in Officio lectum est. <sup>r</sup> In tertia Missa de die Natiuitatis Domini legitur in fine Euangelium de Epiphania, Cūm natus esset Iesus. Et in Dominica Palmarum in Missis priuatis legitur Euangelium quod ponitur in benedictione Palmarum, quod etiam lectum est in Officio. In Vigilijs quæ occurrunt in Quadragesima, vel Quatuor Temporibus, non legitur Euangelium Vigiliae in fine Missæ. Et similiter <sup>a</sup> in Missis Votivis numquam legitur in fine aliud Euangelium, nisi S. Ioannis.

p Placeat.] Huius meminit Microlog. cap. 22. quamquam post datam benedictionem.

q Benedictio. ] De hac à Sacerdote hoc loco danda indicium est in Liturgia S. Petri, & in lib. 8. Conf. Apost. cap. 23. expressè de ea scribit Hier. ad Rusticum Narbonensem Episcopum, cuius verba de benedictione hac explicat Microl. cap. 21. qui & addit causam; vt, qui non communicatus discedit, saltem benedictus à Sacerdote recedat. habetur etiam de Conf. Dist. 1. Cūm ad celebrandum ex Conc. Aurelian. I. cap. 28. & Agathen. cap. 47. ead. Dist. Missas.

r Euangelium sancti Ioannis. ] In Liturgia S. Petri habentur hæc verba in fine, Deinde plenitudo legis, & Prophetarum. legebatur ergo aliquid. Et Lindanus citat Liturgiam S. Simeonis Syracusani ante annum 800. in cuius fine Lectio iubebatur. Apud quosdam Lectio Euangeli S. Ioannis fuit in vsl, ex Durand. lib. 4. cap. 24. & ex cap. Quidam de Celebrat. Miss. tum in Conc. Salegrenst. tit. de Suffrag. cap. 22. Additum ergo denuò est, quoad om-

nes, & Burchard. habet: vt diuinitatis & humanitatis Christi quasi circulari sigillo facto, vt opinor, totū Sacrificio extremam manum imponamus, & vt tanti beneficij iugiter recordemur, ait Suarez p. 3. disp. 83. sett. 1. Eius loco legitur Euangelium, quod in Officio lectum est pro nona Lectione, vt Missa concordet cum Officio; & nullum Euangelium in Missali positum prætermittatur, quin aliquo modo publicetur populo in Missa, saltem per modum commemorationis in fine Missæ. Item, si quis fortasse primū Euangelium non audierit, in fine saltem Missæ audire poterit alterum, ait Suar. loco citat. Ex his autem ratio patet Rubricarum sequentium de Dominica quarta Aduentus, cuius Euangelium non modò non lectum est in Officio Vigiliae Natiuitatis Domini, sed & sufficienter lectum est pridie in Missa Sabbati Quatuor Temporum.

<sup>s</sup> In tertia Missa Natiuitatis Domini. ] Ne in eadem Missa legatur bis idem Euangelium, legitur illud Epiphaniæ; quod & conuenit Natiuitati Christi, & in fine occasionem præbet

bet adorandi cum genuflexione , vti ad ea verba , *Et verbum caro factum est; quando nimurum dicitur, Et præcidentes adorauerunt eum.*

*t Euangelium Vigiliae.] Quia nec in Officio lectum est, idèo neque legitur in fine Missæ.*

*u In Missis Votivis.] Quia Votivæ discordant ab Officio, cuius Euangelium vel nobilitori loco in Missa le-*

*gendum est, vel omittendum; idcirco semper in ijs legitur Euangelium S. Ioannis.*

Dicitur etiam Euangelium S. Ioannis in fine Missæ de Festo, in qua nulla fit commemoratio Feriæ priuilegiatæ, *vt in tit. 7. num. 2. quando scilicet dicuntur duæ Missæ, de Festo, & de Feria, sine utrorumque commemoratione.*

## De ordinanda Missa ex supradictis Rubricis. X I V.

**S**upradictis Rubricis cognitis, si quis velit ordinare Missam diei, recurrat ad Ordinarium Missarum de Tempore, vel de Sanctis, secundum qualitatem Officii. Si proprium non habeat, recurrat ad Commune Sanctorum. Si de Feria agendum sit, & propria Missa non fuerit de Feria, dicatur Missa præcedentis Dominicæ, omisso Gloria in excelsis, & Symbolo: præterquam Tempore Paschali, in quo semper dicitur Gloria in excelsis, *vt supra*, excepta Missa Rogationum: & in Aduentu <sup>x</sup> prætermittitur Alleluia post Graduale, cum suo Versu. Si dicenda sit Missa Votiva, requiratur post Commune Sanctorum suo loco. Si plures Orationes dicenda sint, requirantur post Missas Votivas, suo loco de singulis rebus singulae. Si pro Defunctis dicenda sit Missa, habetur post Missas Votivas, cum Collectis diuersis, circa finem Missalis. Ordo totius Missæ, cum Præfationibus, Canone, & alijs dicendis, habetur suo loco, cum Proprio Missarum de Tempore.

**E**X his colligitur, ordo Missalis quam optimè institutus sit, in quo primū habentur Missæ de Tempore, ab Aduentu ad Pascha, à Paschate ad Aduentum: & hæ sunt Missæ, vt ita dicam, de Vita Christi per annum distributæ. Deinde Missæ de Sanctis, ab Aduentu item ad Aduentum, sive finem Nouembri: & hæ sunt Propriæ. Tum communes de ijsdem. Quarto loco Votivæ, & pro varijs necessitatibus. Postremo loco pro Defunctis, qui extrellum in pace clauserunt diem. Canon vero medium Missalis iure occupat locum cum Ordini-

ne Missæ, qui communis est omnibus Missis.

*x Prætermittitur Alleluia.] Feriæ Aduentus sunt quasi Vigiliae summæ Festiuitatis Natalis Domini, & in ijsdem erat ieiunium, *vt dicemus tit. seq.* ad mœrem representandum sanctorum Patrum expectantium Messiam. Quare sicut in Vigilijs, & alijs ieiuniorum diebus, ex Alcuin. de Diu. Offic. cap. de Parascene, omittimus festiuiissimum Alleluiaiticum melos, ita & in Ferijs Aduentus. Repete ea quæ diximus supra tit. 10. ad num. 4.*

Acci-